



Nº EXPEDIENTE:2024/SUBDIREC/000021

ASUNTO: OUTORGAMENTO DUNHA ACHEGA ECONÓMICA AO CLUB CISNE DE BALONMANO POLA SÚA PARTICIPACIÓN NA FASE FINAL DO CAMPIONATO DE ESPAÑA DE BALONMÁN CADETE MASCULINO 2023/24

RESOLUCIÓN APROBACIÓN SUBVENCIÓN

Examinado o expediente tramitado para conceder a subvención directa que se sinala no asunto, resultan acreditados os seguintes:

ANTECEDENTES DE FEITO

1.- O club cisne de balonmano (NIF G36024164) presentou o 30.05.2024 escrito con número de rexistro 2024023870 no que solicita unha axuda económica de cinco mil euros (5.000,00 €) con motivo da participación na Fase final do Campionato de España de balonmán cadete masculino 2023/24 celebrado nas cidades de Barcelona e Granollers do 5 ao 9 de xuño de 2024.

2.- Á vista da solicitude que formula a entidade interesada, a Concelleira de promoción da igualdade, do benestar, da saúde e da economía emite unha memoria xustificativa na que dispón, entre outros extremos, o inicio do expediente de outorgamento da subvención solicitada con cargo ao Orzamento Xeral do Concello para o ano 2024.

3.- A subvención obxecto do expediente figura prevista co número de ficha con número de orde 12 dentro da area de competencia de deportes do Anexo I da actualización do PES para o ano 2024 (aprobada a través do Decreto de Alcaldía do 26/03/2024), pertencente ao Plan estratéxico de Subvencións do Concello de Pontevedra para os exercicios 2023-2025 e publicado no apartado de transparencia da sede electrónica do Concello de Pontevedra.

4.- Incorporárase ao expediente informe económico sobre estabilidade orzamentaria e sustentabilidade financeira e informe proposta de aprobación da subvención directa, ambos asinados pola dirección do servizo de deportes.

5.- Consta no expediente informe da Asesoría Xurídica Municipal de data 21.06.2024.

7.- A Intervención Xeral, con data 01.07.2024, emitiu informe de fiscalización previa limitada de conformidade co disposto no artigo 214 do Real decreto legislativo 2/2004, de 5 de marzo que aproba o texto refundido da lei reguladora das facendas locais (TRLRFL), así como no artigo 58 do Regulamento orgánico do goberno e da administración do Concello de Pontevedra, e Real Decreto 424/2017, de 28 de abril, polo que se regula o réxime xurídico do control interno nas entidades do Sector Público Local.

CONSIDERACIÓNS XURÍDICAS:

1.- O artigo 25.1 da Lei 7/1985, de 2 de abril, reguladora das bases de réxime local establece que o municipio, exercerá en todo caso competencias propias, nos termos da lexislación do Estado e das Comunidades Autónomas, na materia obxecto da subvención, o que xustifica a utilidade pública e interese social na concesión da axuda.

2.- O artigo 3 da Ordenanza xeral de subvencións do Concello de Pontevedra dispón que son subvencións as disposicións dinerarias realizadas polo concello para o desenvolvemento de proxectos, accións ou condutas que teñan por obxecto o fomento dunha actividade de titularidade pública ou interese social ou de promoción dunha finalidade pública.

3.- Segundo o artigo 22.2.c) da Lei 38/2003, xeral de subvencións, poderán concederse forma directa subvencións con carácter excepcional nas que se acrediten razóns de interese público social,





económico ou humanitario, ou outras debidamente xustificadas que dificulten a súa convocatoria pública, posibilidade que se regula no artigo 19.4.a da Lei 9/2007, de 13 de xuño, de subvencións de Galicia e no artigo 36 da Ordenanza de subvencións do Concello.

4.- O club balonmano cisne (NIF G36024164) acredita no expediente que está ao corrente no cumprimento das súas obrigas coa Facenda Municipal, coa ATRIGA, coa AEAT, e coa TXSS, e figura no expediente a documentación xustificativa destes extremos. Ademais, segundo os datos dos que dispón o Servizo a entidade no se atopa incurso en ningunha das circunstancias establecidas no artigo 13.2. da LXS, e cumpre coas bases que regulan este procedemento, co Regulamento Municipal de Subvencións e coa a Lei Xeral de Subvencións.

5.- Dentro dos obxectivos básicos do goberno local de Pontevedra está o do fomento da actividade deportiva en tódalas súas manifestacións, actividade que constitúe un elemento fundamental de desenvolvemento da cidadanía, contribuíndo a súa práctica á mellora das relacións sociais e ao incremento do benestar e da calidade de vida de quen o practica. De igual xeito, somos conscientes de que a través do deporte se promociona a imaxe do Municipio no exterior, dinamizando activamente o turismo interno.

De conformidade co anterior, esta Administración considera de interese o outorgamento dunha axuda económica ao club cisne de balonmano por importe máximo de 5.000,00€ con motivo da súa participación na fase final do campionato de España de balonmán cadete masculino 2023/24. A relevancia da proba deportiva sinalada, así como as anteditas razóns de promoción do deporte e da difusión da imaxe da cidade xustifican a excepcionalidade esixida pola Ordenanza de subvencións do Concello en canto á porcentaxe da subvención a outorgar, propoñéndose que esta poida alcanzar ata o 100% do custe da actividade.

6.- A competencia para a concesión de subvención directa corresponde á Alcaldía, en función do establecido no artigo 36.3 da Ordenanza xeral de subvencións, no artigo 124.4.n) da Lei 7/1985 e no artigo 13.2.n) do Regulamento orgánico do goberno e da administración municipal. A dita competencia delegouse por decreto da Alcaldía de data 11.01.2024 nos/as concelleiros/as de goberno delegados/as de área segundo o seu ámbito funcional, en concreto no caso que nos ocupa, na concelleira de promoción da igualdade, do benestar, da saúde e da economía.

Pola súa banda, a sinatura do convenio corresponderá ao Alcalde, ao abeiro do artigo 124.1 e 4.ñ) da Lei 7/1985, que lle atribúe a máxima representación do municipio e a chamada competencia residual.

Consonte cos fundamentos xurídicos expostos, unha vez informada a existencia de crédito pola Oficina de xestión presupuestaria e contabilidade e informado o expediente de conformidade pola Intervención Xeral municipal,

ACORDA:

Primeiro.- Aprobar a concesión da subvención directa ao club cisne de balonmano (NIF G36024164), para apoiar a súa participación na Fase final do Campionato de España de balonmán cadete masculino 2023/24 por importe de cinco mil euros (5.000,00 €) celebrado nas cidades de Barcelona e Granollers do 5 ao 9 de xuño de 2024, nos termos previstos na memoria da concelleira de promoción da igualdade, do benestar, da saúde e da economía e no convenio regulador da axuda.

A achega económica financiará como máximo o 100% do importe do gasto total do programa subvencionado, co límite de cinco mil euros (5.000,00 €), en base ás especiais razóns de interese público e social motivadas no expediente.

Segundo: Aprobar o gasto polo importe e con cargo á aplicación orzamentaria e operación do exercicio vixente que se indica:

Aplicación	Operación núm.	Importe
2024.05.3410.489.01	12024000029525	5.000,00 €
Total		5.000,00 €





Terceiro.- Aprobar o texto de convenio regulador da subvención redactado por este servizo xestor que se incorpora ao expediente como anexo a presente resolución con CSV. OQEXSV0UXW7COG0Z.

Así o manda e asina a concelleira da concelleira de promoción da igualdade, do benestar, da saúde e da economía e da fe do acto o Secretario da Administración Municipal.

Pontevedra, na data que consta na sinatura electrónica

